

Letereŋi Poli à tun Filemɔ á ke Mpe yii à yaa yii cè mà jwo yii jyè letereŋi funŋɔ jwumpe e ke

Jwumpe Nintanmpe pu nyɛ na Yesu kyaa yu ke, Poli à puru jwo Filemɔ á, ka u u dá pu na. Filemɔ na mpyi shinbwo, bilinaŋi wà na mpyi u á, uru mege na mpyi Onɛzimu. Ka uru bilinaŋi si mpa fê.

Lir'à pi ta pi à Poli cù a tò kàsuni i Kile Jwumpe njwuŋi kurugo. Nyɛ ka Onɛzimu si fê a sà uye ta Poli yyére kàsuni i. Nyɛ lir'à pyi ke, ka Poli si wá na Yesu kyaa yu Onɛzimu á fo u à pa dá Yesu na. Lire kàntugo ka u u Poli tège Yesu kani njwuŋi na sùpyire sannt'á. U kyaa mpyi a táan Poli á sèe sèl'e fo Poli mpyi maha u pyi uru jyaŋi mà tàanni ná Kile kuni i. Nyɛ tɛni là à pa nɔ, ka Poli si li lwó uye funŋ'i na uru sí Onɛzimu nùruŋɔ n-tùugo Filemɔ á.

Lire tɛni i, biliŋi n'a mpyi a fê, ka pi i nùr'a u ta a cù, u nùŋufooŋi mpyi maha u kyérege, lire nyɛ me maha u bò. Lire e Poli à ŋge letereŋi séme a kan Filemɔ á, maa yi jwo u á na Onɛzimu ká nùr'a nɔ u na, u àha u cù biliwe fiige me, ŋka u u cù u cìmpworo fiige mà tàanna ná Kile kuni i. Poli zòŋi mpyi na ŋkùre mpe jwumpe tajwuge e Filemɔ á Onɛzimu kyaa na me, jahaha kurugo ye u mpyi a tɛen ná l'e na ur'à jwo a kùuŋɔ cyage ŋkemu na ke, na Filemɔ sí li pyi n-tòro kuru cyage taan. Puru mpe jwumpe cye kurugo, Poli mpyi a yi fêen a cyán Filemɔ taan na u Onɛzimu cye yaha bilere na.

Poli à Filemɔ shéere

¹ Mii Poli u nyε kàsɔŋi i Yesu Kirisita kurugo ke, mii ná wuu cìmpworɔŋi Timɔti u à nge lɛtɛɛŋi tun mu Filemɔ á, wuu cevoonɔ ná wuu báarapyiŋɛɛŋi,

² ná mu Afya á wuu cìmpworɔcwoŋi ná mu Arisipi u à wuu tɛ̀gɛ zhìleni na Kile jwumpe yyaha yyére zhèŋi kurugo ke, ná dánafeebii pi maha piye bínnini mu Filemɔ bage e ke.

³ Wuu Tuŋi Kile ná wuu Kafoonɔ Yesu Kirisita pi jwɔ yii na, pi i yyɛŋiŋke kan yii á.

Poli à lógo na dánafeebii kyal'à táan Filemɔ á

⁴ Filemɔ, tère o tère e mii à Kile jáare ke, mii maha u shéere mu kurugo,

⁵ jaha na ye mii à lógo na Kile shiinbii kyal'à táan mu á, ali numɛ mu à maye tíŋɛ Kafoonɔ Yesu na.

⁶ Lire kurugo mii na Kile jáare mu á, Kile kuni l'à wuu pyi wuu à wwɔ ke, bà kuru wwɔŋɛɛge si mpyi s'a si yyaha na mɛ, yaayi niŋcɛŋyi wuu à ta Kirisita á ke, kuru wwɔŋɛɛge ku ma pyi mà yire cè a jwɔ.

⁷ Pyiŋkanni na Kile wuubii kyal'à táan mu á ke, lir'à mii funŋke táan maa màban le mii i sèl'e. Mii cìmpworɔŋi, lire mpyiŋi cye kurugo, mu à Kile wuubii zòmpyaagii waha.

Poli à Filemɔ jáare bilinaŋi Onɛzimu kyaa na

⁸ Lire kurugo mii sí kyaa niŋkin cya mu á. Mà tàanna ná wuu wwɔŋɛɛge e Kirisita na, mii mpyi na sí n-jà fànha cyán mu na mu u li pyi.

⁹ Nka Kile wuubii ntàannamagare ti nyε mu i ke, tire kurugo mii sí mu jáare ma a li pyi. Funŋɔ cwo li na na mii Poli yyecwugo wuŋi pi à cû a tò kàsɔŋi i Yesu Kirisita kurugo ke, mii u na mu jáare.

¹⁰ Onɛzimu kurugo mii na mu ɲáare, ɲaha na ye u à pyi numɛ mii pyà Yesu Kirisita wwoɲɛge e naha kàsɔŋi i.

¹¹ Tèni l'e, u kaɲwɔɔ mpyi mu á mɛ. Nka numɛ, u kaɲwɔɔn'à ta mii ná mu á.

¹² Ali mà li ta u kyal'à waha mii na bà mii yabilinji kan'à waha naye na mɛ, mii sí u núrɔŋɔ n-tùugo mu á.

¹³ Mà mii yaha naha kàsɔŋi i Jwumpe Nintanmpe ɲjwɔŋi kurugo, li mpyi na sí n-táan mii i mà u yaha naye taan, u raa karii pyi mii á mu cyaga.

¹⁴ Nka mii à li sônɲ'a ta na mii ɲye a yaa mii u kyaa pyi mu kàntugo ná mii ɲye a li jwo mu á, ka mu u li ɔɔn shwɔ mà ye. Mii la ɲye sì mu kárama mu u kacɛnnɛ pyi mii á mɛ, fo ndemu ká fwooro mu i ke.

¹⁵ Li sí n-jà n-ta Onɛzimu à láha mu na tère nimbilere e, si nuru ɲkwɔ mpyi ná mu i fo tèekwombaa.

¹⁶ U saha sì n-pyi mu biliwe kanna mɛ, u sí n-pwɔrɔ biliwe na, u sí n-pyi mu cìmpworo. U kyal'à táan mii á sèl'e, ɲka u kyal'à yaa li taan mu á mà tòro mii na, ɲaha na ye u ɲye mu wu, maa mpyi Kafoonji Yesu wu mú.

¹⁷ Nye kampyi mii à sì mu cìmpworo mà tàanna ná Kile kuni i, mii n'a mpyi a shà mu yyére, mu mpyi na sí mii cù ɲwɔ cùɲkanni ndemu na ke, mii na li caa mu á, Onɛzimu ká nɔ mu na, ma a u cù a ɲwɔ amuni.

¹⁸ U aha nta u à kakyara pyi mu á, lire ɲye mɛ mu fwoo ká nta u na, mii sí cyire puni tò.

¹⁹ Mii Poli yabilinji cyɛge k'à mpe jwumpe puni séme na mii sí mu fwɔhigii puni tò, mii sì na wuuni jáara mu na mɛ, lir'à li cyêe na mii fwoo ɲye mu na, ɲaha na ye mii à mu le Kile kuni i.

²⁰ Mii c̀̀mpworŋi, mii la nyε ma a lire kacenni niŋkinŋi pyi na á Kafoonŋi Yesu kurugo, ma a màban le mii i Kirisita wwoŋεεge e.

²¹ Mii à li c̀̀e na nde mii à cya mu á ke, na mu sí lire pyi mii á. Lire kurugo mii à ŋge letereŋi t̀̀ugo mu á. Mii mú à t̀̀en ná l'e na mii à jwo a k̀̀uŋŋ cyage ŋkemu na ke, mu sí li pyi n-t̀̀oro kuru cyage taan.

²² Nyε ta na bashŋnge b̀̀geli, mii à t̀̀en ná l'e, Kile sí yii ŋareyi shwŋ pi i mii cye yaha mii i sà fwooro mu na.

Fẁ̀ni nizanŋi

²³ Epafirasi u naha naha ná mii i k̀̀suŋi i Yesu Kirisita mεεε kurugo ke, u à mu shéere.

²⁴ Mii báarapyŋεebii Marika ná Asitariki ná Demasi ná Luka à mu shéere mú.

²⁵ Kafoonŋi Yesu Kirisita u ŋwŋ yii na, u u jwó le yii á.

KILE JWUMPE SEMEŋI JWUMPE NINTANMPE
New Testament in Senoufo, Supyire Farakala; spp

copyright © 2008 Wycliffe Bible Translators, Inc.

Language: Supyire Sénoufo (Sénoufo, Supyire)

Translation by: Wycliffe Bible Translators

Contributor: Wycliffe Bible Translators, Inc.

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Senoufo, Supyire

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files
dated 29 Jan 2022

9c94658e-b59d-5cd7-bd2e-4e0770667d41